

BOSNA I HERCEGOVINA
FEDERACIJA BOSNE I HERCEGOVINE
REGISTAR VRIJEDNOSNIH PAPIRA
U FEDERACIJI BOSNE I HERCEGOVINE

Na osnovu člana 49. Statuta Registra vrijednosnih papira u Federaciji Bosne i Hercegovine („Službene novine Federacije BiH“, broj 26/09 i 44/11), direktor uz saglasnost v.d. zamjenika direktora Registra vrijednosnih papira u Federaciji Bosne i Hercegovine (u daljem tekstu: Registar), donosi:

ODLUKU
o načinu računanja dva radna dana (T+2)
za izvršenje obaveza u postupku obračuna i poravnanja s vrijednosnim papirima u
2021. godini

I

Ovom odlukom utvrđuje se način računanja dva radna dana (T+2) za izvršenje obaveza u postupku obračuna i poravnanja s vrijednosnim papirima, nastalih po osnovu pravnih poslova zaključenih na berzi ili drugom uređenom tržištu, a u skladu sa postupkom utvrđenim Uputstvom za poslove obračuna i poravnanja u okviru prijenosa vrijednosnih papira po osnovu poslova zaključenih na burzi ili drugom uređenom tržištu broj : 02-1-NO-32-14260/15 od 18.11.2015. godine.

Dva radna dana u smislu ove odluke (T+2) za izvršenje obaveza po osnovu pravnih poslova sa vrijednosnim papirima zaključenim na berzi i drugom uređenom tržištu, podrazumjeva naredna dva radna dana (T+2) od dana zaključenja pravnog posla, odnosno dan trgovanja (T) ne računa se u dva radna dana za izvršenje obaveza.

II

U radne dane u smislu ove odluke računaju se dani : ponedjeljak, utorak, srijeda, četvrtak i petak, a dani vikenda, odnosno subota i nedjelja i dani državnih i vjerskih praznika ne računaju se u radne dane, za izvršavanje obaveza iz tačke I ove odluke.

Ako niz od dva radna dana od dana zaključenja pravnog posla s vrijednosnim papirima na berzi ili drugom uređenom tržištu, prekidaju dani subota i nedjelja ili dani državnog i vjerskog praznika, u rok od dva radna dana ne uračunavaju se dani subota, nedjelja i dani državnog i vjerskog praznika, a u rok se uračunavaju naredni radni dani, koji dolaze iza dana koji se ne računaju u radne dane za izvršavanje obaveza iz stava 1. ove tačke.

Saglasno odredbi st.1. i 2. ove tačke u dva radna dana (T+2) za izvršenje obaveza iz pravnih poslova sa vrijednosnim papirima zaključenim na berzi i drugom uređenom tržištu za 2021. godinu ne računaju se:

- | | | | |
|---|-------------------|-------------------|--------------------------------------------|
| - | subote i nedjelje | | |
| - | petak | 01.01.2021.godine | državni praznik (Nova godina) |
| - | ponedjeljak | 01.03.2021.godine | državni praznik (Dan nezavisnosti) |
| - | ponedjeljak | 05.04.2021.godine | vjerski praznik (Uskrs) |
| - | ponedjeljak | 03.05.2021.godine | državni praznik (Međunarodni praznik rada) |
| - | četvrtak | 13.05.2021.godine | vjerski praznik (Ramazanski Bajram) |
| - | utorak | 20.07.2021.godine | vjerski praznik (Kurban Bajram) |
| - | četvrtak | 25.11.2021.godina | državni praznik (Dan državnosti) |

III

Ova odluka stupa na snagu danom donošenja, a objaviće se na web stranici Registra i dostaviti svim članovima Registra za sistem obračuna i poravnanja kao preporučena poštanska pošiljka.

Ovu odluku obavezni su da primjenjuju zaposlenici Registra i članovi Registra za sistem članstva obračuna i poravnanja.

Broj: 04-1- 8927 /20

Datum: 16.12.2020. godine



Direktor

Đuro Obradović